

浮山縣志卷三十四

古蹟

阿衡莘野孤竹首陽古人所歷遂成奇跡豈地之異哉直樹立者不同耳浮山自漢唐以來賢喆之遺頗贏今於其昭灼耳目者雖故壘荒邱悉登於篇以寄慨慕後之君子儻有感而興起者非僅助談鋒之博洽已也志古蹟

故郭城

在縣西南十里相傳舊治在此今名古縣村北魏志擒昌縣有郭城當即此一名丹朱邑

飲馬泉

在縣南三十里朱村相傳丹朱飲馬處

羊角故址

龍角山本名羊角山其東峯有嘉潤侯左伯桃廟西峯有孚祐將軍羊角哀廟詳見流寓

博陸侯故里

今縣北十里南霍村

浮山縣志

卷三十四 古蹟

一

平甯里

在縣北十五里舊傳漢光武令鮑永安集河東破青犢賊還報光曰賊已平國已甯因賜其鄉為平甯里

諸葛村

魏諸葛誕寓此遂占藉焉

乾壁

魏道武帝天興六年後秦安北將軍姚平率眾四萬來侵平陽陷乾壁

老君遺跡

孫景文天聖宮紀事碑唐武德二年老子降於平陽神山縣龍角山之根于樹下語人曰爾為吾言

於唐皇帝吾即汝之遠祖也已大勅陰兵助汝破賊乃命有司於所見之地建立祠堂改羊角山為龍角山改浮山

縣為神山縣

老君洞

在梁村南唐時與老君祠同建者用石構成無寸木片瓦頗極幽古有老君八十一化圖石刻

桑維翰故宅

在縣東北五十里夾榆村

煙霞閣

在天聖宮內金大定十七年建今圯

深思堂

在縣治內元大德間建

鐘樓

在縣治南街聖母廟中洪武初縣丞徐秉彝建

宋禮部尚書邢昺故里

今縣北十里小邢村

觀原

唐王野人寓居之村即葬於此村茶園

銀洞山

在縣南四十里和尚垵堆為漢武帝渡汾遊覽處之一

華池

在龍角山東峯巔水色澄清歲不竭碑載建慶廟觀時水自山巔流田大濟工役今逢旱禱雨者每到此取水烹煮饒有清香

虎王殿

在邑東南三十里俗名虎兒殿為唐異僧楊羅漢伏虎處

馬跑泉

當司空山北峯間有馬蹄跑俯飲古痕據土人言當日司空騎馬過此馬渴而蹄跑出水以飲故名

風雨竹

碑在梁村溝關帝廟姿勢傾倚如被風雨其枝幹葉以五古一首湊成之畫法遒勁迴異常筆上刻漢壽

浮山縣志

卷二十四 古蹟

二

亭侯篆印過客時有撮取者

古銅製千手千眼佛

像高三尺圍可對握重八十餘斤據識古者言鑄期在元魏之間現為新民工

廠負責保管

白衣佛

坐身中空高可三尺鑄造遠在千眼佛以前貴重亦過之均歸工廠保管

銅鐘

鐘在城內聖母廟鑄於乾隆中葉精緻如繪有藝術價值圍徑二尺奇高倍之

鐘

即聖母廟鐘樓上之大鐘為金大定年鑄身高六尺口徑如之叩擊聲可達四嶺現由女高保管

玉兔寺鐘

鑄在唐武德間寺之建築時期與慶唐觀同夙昔聲聞可達平陽有蠻子破鐘盜竄遂使神物失靈

鐘身與聖母廟大鐘同

羊厭桷柱

天聖宮三清殿明柱純以羊厭桷條縛纏而成構造神奇十三年與殿同燼

補綴門

以鶴木鏤花連綴貼補而成表裏如一工程神奇不可思議與羊厭柱同付焚如

琉璃栴柱

在天聖宮大殿前圍可兩抱高二丈元至正間衛

透玲碑

趙宋時晉州守步觀祈雨樹石紀實現置老君殿壁

慶唐觀柏林

觀址即古柏林一部分以今觀裏香觀東西柏

一望無際大者數十圍唐因就地取材伐柏建觀故全觀

木材無一非柏其明柱有用天然生成者亦奇事也相傳

先師神位

法瑋玲瓏號稱三彩藝術

壽星圖

象形壽體或曰隱寓蘇字未知孰是署一壽字圖意

龜蛇圖

俯仰側轉氣勢如生陳逆之亂遭劫焚斷匠作用蠟

墨莊

字身二尺餘書法雄偉不讓二王旁題征西

園亭附

漢

霍光別墅

在縣北丞相河丞相因光明也南坡下有蓮花池今廢釐石猶有存者

宋

邢公園

在縣北門外小邢村禮部尚書邢昺別墅今廢尚存太湖石數塊

金

歲寒亭

在縣東堯山祠中皇統間知縣牛承直築

明

李公別墅

在南河東坡尚書李信築今廢猶有蓮池遺址

清

浮山縣志

卷二十四 古蹟

四

息松亭

在縣西街羅漢寺內康熙十年知縣潘廷侯築

觀德亭

在舊學圃內今廢

敬一亭

即今實驗校之第二教室

文明園

在南門外即小圃鄰縣知縣張垚別墅雍正間築

西園

在縣西門外保甯司馬張鸞舉別墅雍正間築

適然亭

縣治內乾隆七年知縣李允改建

蔬園

在縣南河濱兵部車駕司郎中張體中別墅乾隆八年築內有米元章真蹟吳道子元武圖胥刻於石其蔬園

記八景詩
悉載藝文

陵墓附

陶唐

堯陵

相傳在邑北三十里楊村河西陵前有碑記臨汾春秋二祭今並錄

戰國

荆軻墓

在羊角山今失考

漢

羊角哀墓

在羊角山唐人有過哀墓詩今失考

左伯桃墓

在羊角山失考

博陸侯霍光墓

在縣北十五里平甯村府西門外天寶間建有祠宇

按長安志以光陪葬咸陽武帝茂陵則此或光祖墓今姑存之

浮山縣志

卷二十四 古蹟

五

五代唐

仙人洪崖子張居敬墓

在邑西南任張村舊志邑西南任張村有仙人張果墓在村西嶺之半

名曰柏林坡即月山東麓也邱壘宛然土人禁樵牧不得入其後裔現居本村溝南莊去壘二里許云係果家舊址故老相傳每於夜分時見壘上恒有異光遠而彌耀遇太平則皎若曙星土人謂之萬年燈識者又以此光應科甲之瑞屢現屢驗
詳見災祥

按列仙傳張果隱恒州中條山往來汾晉間天寶初卒不聞有後而洪崖子張居敬為神山任張里人傳云道滿自假葬衣冠而去當即其處因同張姓後唐與唐亦相符合而果為里巷所盛傳故從而附會之洪崖子詳仙釋

五代晉

魏國公桑維翰墓

在縣東北五十里夾榆村

宋

禮部尚書邢昺墓

在縣北三里小邢村昺嘗撰禮撰三十卷以進無副本真宗許繕錄賜之未畢而昺

卒亟詔寫二本一本賜其家一本俾置家中一云昺墓在任邱縣黃壘村

元

知府唐天瑞墓

在北關外唐家圪塔

萬戶侯張大瑞墓

在北關外唐家圪塔

明

吏部尚書李信墓

在縣北五里賈庄村

左布政陳孜墓

在縣北二十里王村鎮

太僕寺少卿李德賢墓

在邑南二十五里東陳村村東里許

郡馬陳舜賓墓

在御史墳右按舊碑字學配宗室靖德王女

浮山縣志

卷三十四

古蹟

六

清

福建布政使暑巡撫張嗣昌墓

陝西道監察御史張嗣榮墓

二墓均在城北

中大夫鄗邑侯張垚墓

在邑南十里梁村北

中大夫布政司參政張體仁墓

在邑西南十里徐村北

刑部員外張體乾墓

戶部員外張體智墓

二墓在梁村北

江西通省督糧道段玠墓

在城東社嶺庄

湖北漢黃德道張道源墓

在城北郭外

蔚州知州張道渥墓

在城北郭外

廣西按察使張體義墓

在 邑 西 二 十 里 韓 村

浮山縣志

卷三十四

古蹟

七